



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-2-40-196-2/23**  
Datum: **24.05.2023. godine**

„Agencija za vodno područje rijeke Save“ Sarajevo rješavajući po zahtjevu investitora, „ŠIROKI PUT“ d.o.o. Cazin, za izdavanje vodne saglasnosti za ispuštanje tehnoloških otpadnih voda sa lokacije pogona za proizvodnju betonskih elemenata – betonske galanterije, na osnovu člana 139. stav (1) tačka 3. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22), donosi

### **RJEŠENJE** **o vodnoj saglasnosti**

1. Investitoru, „ŠIROKI PUT“ d.o.o. Cazin, se daje vodna saglasnost za ispuštanje tehnoloških otpadnih voda sa lokacije pogona za proizvodnju betonskih elemenata sa pratećim sadržajima, a na osnovu revidirane projektne dokumentacije:  
„Glavni projekt vanjskih hidroinstalacija sa tretmanom otpadnih voda za pogon za proizvodnju betona i betonske galanterije sa pratećim sadržajima“, urađen od strane „SENDO“ d.o.o. Sarajevo, aprila 2023. godine u Sarajevu pod brojem: 242-04-I/23, revidiran od strane „SMAJIĆ-INŽENJERING“ doo Goražde, pod brojem: 335-REV-23-K, dana 27.04.2023. godine, u Goraždu.
2. Ova vodna saglasnost se izdaje na određeno vrijeme, sa rokom važenja od 2 (dvije) godine, a odnosi se na ispuštanje tehnoloških otpadnih voda sa lokacije objekta postrojenja za proizvodnju betonskih elemenata sa pratećim sadržajima, predviđenog za gradnju na zemljištu označenom kao k.č. broj 684/2 K.O. Ostrožac (novi katastarski operat), u naselju Ostrožac, Grad Cazin.
3. Ova vodna saglasnost ne oslobađa podnosioca zahtjeva obaveze pribavljanja vodnih akata za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
4. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije navedene u tački 1. ovog Rješenja, koja čini sastavni dio ovog rješenja, a koja se ovjerena od strane ove Agencije u skladu sa odredbama člana 114. stav (3) Zakona o vodama, vraća investitoru na trajno čuvanje i ista će se koristiti u postupku pribavljanja odobrenja za građenje.

Vodna saglasnost se daje pod slijedećim uslovima:

- 4.1. Radove na prikupljanju, prečišćavanju i ispuštanju tehnoloških otpadnih voda sa platoa za proizvodnju betonske galanterije, platoa za pranje mehanizacije, zauljenih oborinskih voda sa internih saobraćajnih površina, oborinskih voda sa platoa za skladištenje frakcija agregata koje mogu da sadrže suspendirane materije, čistih oborinskih voda sa krovova te sanitarnih otpadnih voda izvesti u skladu sa ovjerenom projektnom dokumentacijom, navedenoj u tački 1. ovog Rješenja.
- 4.2. Od isporučioaca separatora ulja i masti pribaviti garanciju da će parametri kvaliteta prečišćenih voda biti u granicama propisanih vrijednosti, definisanih propisima Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
- 4.3. Separator ulja i masti ugraditi i staviti u pogon prema uputstvu proizvođača.
- 4.4. Na odvodnom cjevovodu, neposredno iza separatora ulja i masti izvesti posebno reviziono okno koje će služiti kao okno za uzimanje uzoraka (monitoring okno).

- 4.5. Izvršiti ugradnju kanalisa, slivnika i sl. te asfaltiranje svih manipulativnih površina sa nivelisanjem, odnosno betoniranjem površina prema projektnoj dokumentaciji na osnovu koje je pribavljeno odobrenje za gradnju.
- 4.6. Obezbijediti da kvalitet prečišćene otpadne vode prije ispuštanja iste u prijemnik bude u skladu sa tabelom 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije.
- 4.7. Materijal iz iskopa i građevinski otpadni materijal se ne smije privremeno niti trajno odlagati na prostoru vodnog dobra, odnosno u korita i na obale vodotoka.
- 4.8. Ispitati vodonepropusnost kanalizacionog sisema i priložiti odgovarajući zapisnik o istom.
- 4.9. Tokom izvođenja radova, neophodno je poduzeti sve potrebne mjere zaštite, kako predmetnim aktivnostima ne bi došlo do nastanka štete ili nepovoljnih posljedica po vode i vodni režim, te postojeće korisnike voda.
- 4.10. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 4.11. Sve kolizije sa postojećim instalacijama (elektroenergetske, telefonske, kanalizacije, i ostale infrastrukture) na lokaciji, ukoliko do takvih situacija tokom izvođenja radova dođe, rješavati će se uz saglasnost mjesnog nadležnog preduzeća, koje će dati tehničke uslove za izvođenje ovih radova.
- 4.12. Podnosilac zahtjeva je obavezan ispoštovati uslove iz Rješenja o urbanističkoj saglasnosti za legalizaciju bespravno izgrađenog poslovno-proizvodnog objekta – Automatske bloketare, betonare i platoa, namjenski za proizvodnju betonskih elemenata - galanterije, u naselju Ostrožac, Grad Cazin, na zemljištu označenom kao k.č. br. 684/2 k.o. Ostrožac (podaci novog premjera), izdano od strane Službe za urbanizam, zaštitu okoliša i inspeksijske poslove Grada Cazina pod brojem 04-19-5304/2021, dana 07.03.2023. godine, u Cazinu.
- 4.13. Da se opasni materijal i otpad, koji za vrijeme izvođenja radova nastaje na predmetnom lokalitetu, ne smije ni privremeno odlagati na česticu «vodno dobro», prostoru zaštitnih zona izvorišta vode za piće, odnosno u vodotok i na njegove obale.
5. Ukoliko se tokom izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
6. Po završetku izgradnje predmetnog objekta, korisnik vodne saglasnosti dužan je podnijeti zahtjev za izdavanje vodne dozvole za ispuštanje otpadnih voda u recipijent. Zahtjev se dostavlja u skladu sa članom 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH”, broj 31/15, 55/19, 41/20 i 63/22).
7. Ovom Rješenju o vodnoj saglasnosti prestaje valjanost istekom roka od dvije godine od dana pravosnažnosti istog, ukoliko u tom roku ne bude pribavljeno odobrenje za građenje i započeta izgradnja objekata.
8. Ovo Rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### Obrazloženje

Investitor, „ŠIROKI PUT” d.o.o. Cazin, obratio se ovoj Agenciji dana 15.05.2023. godine, zahtjevom za izdavanje vodne saglasnosti za ispuštanje tehnoloških otpadnih voda sa lokacije objekta pogona za proizvodnju betonskih elemenata sa pratećim sadržajima.

Uz zahtjev za izdavanje vodne saglasnosti dostavljena je slijedeća dokumentacija:

#### A) Opšta dokumentacija

- Ovjerena kopija Uvjerenja o poreznoj registraciji, izdano dana 14.07.2006. godine, od strane Federalnog ministarstva finansija - financija, Porezne uprave – Kantonalni ured BIHAĆ,
- Ovjerena kopija Uvjerenja o upisu obveznika poreza na dodanu vrijednost, izdano od strane Uprave za indirektno – neizravno oporezivanje Bosne i Hercegovine pod brojem 04/1-UPJR/1-211-2/08, dana 17.01.2008. godine,
- Ovjerena kopija Rješenja o upisu subjekta u sudski registar Općinskog suda u Bihaću pod brojem: 017-0-Reg-06-001 301 dana 06.11.2006. godine,

- Ovlaštenje za obavljanje djelatnosti građenja/izvođenja radova; dato od strane Federalnog ministarstva prostornog uređenja pod brojem UPI/03-23-2-37/18, dana 29.03.2018. godine, u Sarajevu, (kopija),
- Kopija uplatnice upravne pristojbe,
- Rješenje, kojim se investitoru „ŠIROKI PUT“ d.o.o. Cazin, daje urbanistička saglasnost za legalizaciju bespravno izgrađenog poslovno-proizvodnog objekta – Automatske bloketare, betonare i platoa, namjenski za proizvodnju betonskih elemenata - galanterije, u naselju Ostrožac, Grad Cazin, na zemljištu označenom kao k.č. br. 684/2 k.o. Ostrožac (podaci novog premjera), izdano od strane Službe za urbanizam, zaštitu okoliša i inspeksijske poslove Grada Cazina pod brojem 04-19-5304/2021, dana 07.03.2023. godine, u Cazinu, (kopija):
  - Izvod iz usvojenog Nacrta prostornog plana Grada Cazina „Sl. Novine općine Cazin“, gdje je predmetno zemljište smješteno u naselju Ostrožac; izdan od strane Službe za urbanizam, zaštitu okoliša i inspeksijske poslove Grada Cazina pod brojem: 04-19-5304/21, dana 30.05.2022. godine, (kopija),
  - Kopija položajne skice, Katastarska općina: Ostrožac, izdana od strane Stručnog saradnika za urbanizam i lokacije, Službe za imovinsko-pravne, geodetske i katastarske poslove Grada Cazina, pod brojem: 04-19-5304/21 dana 16.05.2022. godine, (kopija)
- Rješenje o prethodnoj vodnoj saglasnosti, kojim se podnosiocu zahtjeva „ŠIROKI PUT“ d.o.o. Cazin, daje prethodna vodna saglasnost za ispuštanje tehnoloških otpadnih voda sa lokacije objekta za proizvodnju betonskih elemenata galanterije, predviđene za gradnju u naselju Ostrožac, na zemljištu označenom kao k.č. broj 684/2, 684/3 i 684/13, K.O. Ostrožac, (novi katastarski operat), grad Cazin; izdano od strane Agencije za vodno područje rijeke Save, pod bojem: UP-1/25-1-40-416-11/22, dana 20.01.2023. godine, (kopija),
- Obavijest Federalnog ministarstva okoliša i turizma da nije potrebno pribavljanje okolinske dozvole privrednom društvu d.o.o. „ŠIROKI PUT“, Ostrožac bb, 77 220 Cazin, za postrojenje za proizvodnju betonskih elemenata, izdano pod brojem 05/2-19-5-808/22, dana 07.02.2023. godine, u Sarajevu,
- Rješenje JKP Vodovod Cazin o dozvoli priključenja na sistem snabdijevanja pitkom vodom investitora „ŠIROKI PUT“ doo Cazin na lokaciji Ostrožas na parceli označenoj kao k.č. 684/3 K.O. Ostrožac, grad Cazin,
- Prethodna vodna saglasnost izdata od strane Službe za urbanizam, zaštitu okoliša i inspeksijske poslove Grada cazna pod brojem: 04-21-4844/22 dana 03.11.2022. godine,

## B) Projektna dokumentacija

- „Glavni projekt vanjskih hidroinstalacija sa tretmanom otpadnih voda za pogon za proizvodnju betona i betonske galanterije sa pratećim sadržajima“, urađen od strane „SENDO“ d.o.o. Sarajevo, aprila 2023. godine u Sarajevu pod brojem: 242-04-i/23, revidiran od strane „SMAJIĆ-INŽENJERING“ doo Goražde, pod brojem: 335-REV-23-K, dana 27.04.2023. godine, u Goraždu.

Nakon uvida u dostavljenu dokumentaciju konstatovano je sljedeće:

- Postrojenje za proizvodnju betonskih elemenata sa pratećim sadržajima i upravni objekt, plato za odlaganje gotovih elemenata te natkriveni prostor za odlaganje istih nalaze se uz putnu komunikaciju M-4.2 Bihać-Cazin .
- Snabdijevanje vodom za sanitarne potrebe (0,75 l/s), kao i za tehnološke potrebe (potrebne količine vode za pranje manipulativnog prostora i sapiranja prašine (3 m³/dan). Voda za navedene svrhe će se koristiti priključkom na javni gradski vodovodni sistem.
- Oborinske vode sa krovova će se cijevnim sistemom direktno odvoditi u recipijent – upojni bunar.
- Onečišćene oborinske vode sa platoa te tehnološke otpadne vode nastale pranjem radnih mašina, radnih površina betonare te platoa za pranje mehanizacije, će se ispuštati u taložnik tehnoloških voda, čiji preliv je izveden u Separator ulja i masti, nakon tretmana otpadne vode u separatoru ulja i masti preko monitoring okna se ispuštaju u upojne bunare (predviđena 3 upojna bunara).
- Onečišćene oborinske vode sa manipulativnih internih saobraćajnih površina će se kupiti pomoću kanalice i slivnika te sistemom oborinske kanalizacione mreže odvesti do uređaja za tretman – separatora ulja i masti.
- Za prijem sanitarnih otpadnih voda iz sanitarnih prostorija je predviđen nepropusni septik.

U postupku je utvrđeno da je projektna dokumentacija urađena u skladu sa uslovima iz prethodne vodne saglasnosti, izdata od strane ovog organa, te je shodno članu 114. Zakona o vodama, upisivanjem broja i stavljanjem otiska pečata ove Agencije na revidiranu projektnu dokumentaciju data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja projektovanih radova, shodno odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i akata i Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva je na ime izdavanja ovog vodnog akta izvršio uplatu upravne takse u iznosu od 60,00 KM, u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 9/08, 45/10 i 43/13).

**Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 (petnaest) dana od dana prijema rješenja. Žalba se taksira se sa 15 KM takse, prema tarifnom broju 3. tarife federalnih upravnih taksi.

Obradivač akta:

Fuad Mujagić, dipl. inž.

Prilog: Dokumentacija navedena u tački **B)** obrazloženja rješenja

Po ovlaštenju  
Rukovodilac sektora za izdavanje vodnih akata

  
Haris Ališehović, dipl. inž. građ.

Dostaviti:

- „ŠIROKI PUT“ d.o.o. Cazin, Ostrožac bb, 77 220 Cazin (sa prilogom)
- AVP Sava, ISV – Vodna knjiga
- Sektor 40, arhiva
- Oglasna tabla AVP - Sava Sarajevo